



Thalako Namarogolo, Tthomoddo ni Thebo



Livro para novos leitores
Na língua Etakwane
Nível 3



Nlabo nimohi, namarogolo ahidhowaga wiiko,
omfwanya tthomoddo. Omulojela wiira:

– Muhuseliwa?

Tthomoddo waakula:

– Gihiseliwa. Kahi we?

Namarogolo waakula, wiira:

– Gihiseliwa.

Vano namarogolo ahiwogaga ni tthomoddo. Wiira:

– Gihikaana yokoha, nyo ni miyo: wiina kopholo baani?


Tthomoddo ahitakaleliwaga. Oliye wiira:

– We ni miyo nnofwanafwana? We oli woona nyelele.

Namarogolo wiira:

–Ha! Ha! Ha! Ha! Miyo akala gihiyeva kabeni nixixane
gumageni gamala giimage miyo noone onamburule
mukwe.

Tthomoddo ahirumeedha.



Namarogolo ahidhowa ode ofwanya thebo. Omulojela wiira:

– Muhuseliwa?

Thebo waakula wiira:

– Gihiseliwa. Kahi we?

Namarogolo wiira:

– Gihiseliwa. Gihikaana yokoha nyo ni miyo: wiina kopholo baani?

Thebo wiira:


– Ha! Ha! Ha! Ha! We kunonile wi kannaligana? Jejiha woone!

Wambeela oddula mithanko.

Namarogolo wiira:

– Kahi yego eyene. Kabe nixixane. Gumage we. Vano gimage miyo nimoone wiina kopholo baani.


Thebo orumedhela.



Ovenya namarogolo odhowa osayela mungoyi. Oliye odhowa wiiko ommaga tthomoddo. Wiira:

– Wagoona wete wambeele othuthumula.






Oliye oladda mungoyi ole odhowana ode. Omagana thebo. Omwaaddela, wiira:

– Wona wete wambeele othuthumula. Oliye odhowa vaari oweta wula, ni wula. Oliye wipita vanikupuni.


Vevale wambeela othuthumulana. Thebo ni tthomoddo, ofiyedha nduwa orugunuwa. Aliwa ogoma wambeela wubuwelela. Wiira:

– Olaya di namarogolo?



Thebo wambeela ohara mungoyi. Adhaaga wule
ogumana vaari ni thomoddo. Wiira:

– Iiiii! Di weene? Gesa di namarogolo,
gamuthuthumulimi?



Vano namarogolo ahivituwaga ateyaga. Eeraga:
– Nyo munuwileve kamunaligana ni miyo. Nyo
kamwina zelu.

Oliye othamagaga attawaga.

Gorogoddogo

Dhokoha:

1. Eerile avi namarogolo wi tthomoddo ni thebo egumane?
2. Aaligi waani namarogolo, thebo ni tthomoddo ethuthumulanaga?
3. Mwaha wa ddi namarogolo adhe eerege ndo?



Ficha Técnica

Título: Thalako Namarogolo, Tthomoddo ni Thebo
(O Coelho, o Hipopótamo e o Elefante)
(The Rabbit, the Hippo and the Elephant)

Língua: Etakane

Ilustrações: The Art of Reading 2.0

Primeira edição electrónica, 2010

Produzido por: Programa da Língua Etakwane
lidemo.net@gmail.com
C.P. 652
Nampula, Nampula
Moçambique

O utilizador pode copiar e distribuir a obra.

